



Diario



pa Aruba

DRINK ALWAYS
ORANGE CRUSH
from
Tropical Bottling Co.
call 1773

Instala aireacondi

cionado na Bo
cas AWOR!



tel. 2170

ANJA 21

DIASABRA 6 FEBRUARI 1960

Nr. 3655

Debate sensacional prome cu raad a proba e emprestito di cinco miljon

Fichi Croes ta causa gran confusion cu un carta e ta lesa

O'STAD - Diahuebs Eilandsraad di Aruba a trata e proposicionnan di Bestuurs College tocante un emprestito di cinco miljon florin pa cubri gastuna extra en conexon cu e proyecto di awa pa tres miljon y pa financiancion di e extension di e hydroponics, proyectonan di capital pa watervoorzieningsdienst, eventualmente cobamentu di entrada di haf y desarrollo di cultura di alo, tur esaki hunta pa mas o menos dos miljon. Despues di oronnan largo di debate violento y sensacional, e proposicion por ultimo a huez, cu di e proyecto di awa lo sali 50% pa e gastunan, di e hotel 40% y di e farm 10%.

E carta - Un sensacion grandi tabata e carta cu senior Porfirio Croes a lesa, cu segun e ta lesa sa ta di ministro J. E. Yrausquin (apesar cu solamente e la usa e nomber "Juancho"). Den e carta e autor lo a scitri cu Fichi, kende durante januari 1958 poco prome cu e mester a presenta dilanti di huez, no mester a preocupale cu nada. Cu e convenio entre autor dje carta, Fichi y senior E. O. Petrona tocante su cas lo ser mantiene. E convenio aki lo ta contente, segun e carta cu senior Croes ta lesa, cu di e proyecto di awa lo sali 50% pa e gastunan, di e hotel 40% y di e farm 10%.

E emprestito - Por lo de mas e reunion a cuminsa masha tranquilo, e prome puntanan dje agenda a pasa calma bou martin dje presidente F. J. C. Beujoy, senior A. I. W. Wijngaarde a tuma lugar di senior F. Hernandez, y a worde instala como miembro di raad y e asunto dje emprestito ta cuminsa.

Senior C. A. Eman (AVP) mes ora a bai na expresa e palabranan manera "gastamentu di placa di comunidad sin responsabilidad". E ta declara cu goberno mester hiba, un direccion finan-

cial cu masha prudencia, te na ultimo cen. "E Bestuurscollege aki ta biba den e gran speranza y ta pensa: Despues di nos ta bini e zondvloed!" Nos a hala atencion riba esaki diferente biha cabu, pero nos siem lo keda uno cu ta sciamen den sabana". Senior Eman tabata desea di mira tur e contractan, convenionan y cosnan asina, tambe e rapport di accountant. E kier sa ta kiko a pasa exactamente cu e placa dje fabrica di awa. "E placa aki a bai den sacu di personanan den cual e no mester a bai, nan a hunga cu e placa aki." Ademas e no ta di acuerdo cu B. C. a usa placa di awa pa e proyecto aki, y tambe senior Eman ta lansa un atake contra e hydroponics. E ta bisa cu nan kier hinka e placa aki den ora di bestia. E ta anuncia un mocion tambe den cual e ta pidi pa forma un raadcomitee, cual lo worde encarga pa investiga tur e papelnan cu tin di hazi cu e proyecto di awa.

Senior L. V. Britten tabata spanta cu e gastunan total lo no keda na e 23 miljon, pero cu tal vez lo bira mas haltu ainda. Despues e ta lesa algun purtanan — cual segun e ta bisa ta di contractan entre Singmaster & Breyer y e agente na Aruba, e firma Petrona & Croes. Den e parafanan aki ta resulta porcionnan cu e agente local tabata gana.

Senior D. Fleming (AVP) ta opina cu no ta recomendable pa aproba pa un credito extra prome cu mira tur e rapportnan y otro papelnan. Orador ta haza cu e politica di B.C. ta peligroso. Promete B.C. a bisa, cu e aumento di winstbelasting lo no causa influencia riba e economia, ni pa Lago tampoco. Pero den Easo News tabata scitri, cu debidamente esaki a hazi efecto riba Lago y e empleadonan.

Senior E. R. Finck (PPA) ta observa cu pa cierto proyectonan ta existi dos

alternativo. Of di antemano ta ser stipula un suma fijo, of nan ta mantene un calculacion y ta paga tur e gastunan cu ta bini acerca segun cu nan lo resulta. Como cu B.C. no por a hanza un oferta fijo pa e construcion completo, nan tabata obliga di accepta e segundo. E tambe ta haza cu tres miljon ta hopi. Pero apesar cu ta e pagador di belasting ta foha prome, e proyecto mes despues lo cubri su gastunan. "15% diferencia no ta tantu grandi", asina senior Finck ta haza. Refiriendo na e agente, orador ta bisa, cu Singmaster no kier a traha sin un agente local, y cu a worde hazi tres oferta y cu Firma Petrona & Croes tabatin e oferta di mas barata. Pakiko un comision awor, senior Finck ta puntra. Senior Eman a priminti cu e mes lo a presenta cu e pruebanan (mi mester por controla nan prome" - Eman ta interrumpi).

Senior Max Croes (AVP) ta haza strania cu ainda nan no a regla financiancion di un proyecto cu a cuminsa algun anja pasa cabu. E ta opina cu bestuurscollege por a haza un mihor contract y pakiko nan no a tene un openbare aanbesteding e tempo ei. Si tin un trabou chikito di cinco mil florin, esaki ta bai via un openbare aanbesteding, pakiko no tabata mesos cu e proyecto grandi aki? E ta puntra pakiko B.C. no a laga raad duna su opinion tambe ora cu e sueldo di obreronan dje proyecto a worde pasa pa e escala di gobierno (cual tabata un die moibutan cu B.C. a duna cu ta causa dje gastunan extra "Red") y e ta observa cu nan a importa trahadornan estranhero riba escala grandi. E ta declara tambe cu e ta contra e proposicion aki, e lo a duna su aprobacion, si ta solamente pa e dos mijonnan pa e otro proyectonan, control cu e dos ton pa e hydroponics ta intencion pa e conserkion chikito riba e isla.

PETROLEO - Senior A. Werleman (UNA) ta considera e proposicion den dos parti, e prome cu ta e tres miljon pa e proyecto, y e otro cu ta e dos miljon pa e resto. Como cu e no kier carga ningun responsabilidad tocante e proyecto di awa e ta declara di vota contra e proposicion ei. E otro parti lo a haza su aprobacion (despues cu e la mira e rapportnan di hydroponics), pero como

FATUM — Tel.: 1845
Pa tur bo aseguranon

cu tur cos aparentemente ta forma den un global hunta, e ta sintiele obliga di no duna su voto.

Senior Lacle (PPA) tabata contentu cu e exploracion di mineralnan lo principia. Si nos haza petroleo na Aruba anto e saki lo bira e isla di mas importante den Caribe.

Senior F. Kelly (PPA) si ta haza cu e diferencia ta razonable. "Ta consecuencia di henter e proyecto." E ta haza cu e proyecto ta bon. Antes tres cuarto dje isla tabata sin awa, awor casi tur hende tin un conexon di awa. E gastunan extra facilmente lo por worde

CARTA ABIERTA NA FICHI CROES

En conexon cu loque bo a bisa den reunion di Eilandsraad diawebanochi dia 4 di februari, mi ta DESAFIABO pa entrega e carta di mi cu bo ta bisa cu bo tin den bo poder, na Officier van Justitie y si mi firma ta autentico y original (no falsifica pa bo) anto lo mi haci lo siguiente:

a. entrega mi puesto como Ministro y sali completamente for di politica (loque abo y AVP ta desea).

b. regalabo tur mi propiedadnan.

Si bo no por produci e carta cu mi firma autentico y original, anto bo ta un calumniador miserable, cu ta busca di shusha otro hende pasobra bo mes ta shushi.

Mi ta hasi e publicacion aki pa spierta pueblo kende bo ta y ki peligro bo ta pa comunidad di Aruba.

Aruba, 5 di februari di 1960
(Juancho Yrausquin)

miembro di Eilandsraad cu sintimentu di responsabilidad e ta desea di mira tur e papelnan. E ta haza cu B.C. tin e deber di entrega e comprobantnan completo.

Sapo y culebra

Deputado Henriquez a cuminsa cu reclamacionan contra prensa, apesar sin mienta number di ningun corant. E ta ripiti cabezan di articulacion cu a sali den dos corantnan tocante e prome articulo dje emprestito en kestion. Segun e cabezan dje articulacion ta sali como si fuera accountantsdienst a descubri cu mester di tres miljon mas acerca pa e



afgebeeld:
ovale schaal Cf 12,-
rond schaal Cf 11,50
pasteibakje Cf 3,50

ENGELS VUURVAST PORCELEIN

"ZO. VANUIT DE OVEN OP TAFEL!"

SPRITZER + FUHRMANN

CURACAO
ARUBA

controla. Flete a subi enormemente, obreronan a gana mas placa.

Senior P. Croes (PDC) ta tene su curazon cu e gastunan lo bira mas haltu ainda, pasobra e cifranan definitivo te ainda no a worde presenta. E ta duda si ta salarionan mas haltu na e trahadornan ta e causa principal. Como

proyecto di awa. Esaki ta loka senior Henriquez ta yama un "mentalidad degenerado", kende cu "intencionalmente a forma e conclusion aki."

Un conclusion cu lo laga pasa cu e otro departamentonan di gobierno manera financia y watervoorzieningsdienst lo

Sigui lesa riba pag. 2